



PAMFLET

296






19 february 1577

ADVIS ET RE-

sponse de Monseigneur le Prince d'Oranges &c.
& des Estatz D'hollande & Zelande, faicte aux Estatz generaulx de ce
pays de pardeca, sur les articles conceus & depuis conclus & ac-
cordez en forme d'edict perpetuel, entre Melsire Iean d'Au-
strice, Cheualier de L'ordre du thoison d'or de la part
& au nom du Roy Catholique des Espaignes
d'une part, & lesdicts Estatz gene-
raulx de lautre.



Imprimé en la renommée Ville de Dordrecht
Anno, M. D. LXXVII,

296
35

Année M.D.LXXXVII.
Rapporté en la renommée Ville de Bordeaux.

Monsieur le Prince d'Oranges & les Estatz D'hollande & Zelande apres auoir veu la lettre de credence que de la part de Messieurs les Estatz generaulx des pays de pardeca, Monsieur de Villers & Maître Paul Buys Aduocaet d'hollande, en compagnie de Monsieur L'ambassadeur del'Empereur, a ce bien instamment requis, ont apporté au dict Seigneur Prince, & par jcelles entendu que lesdict Seigneurs Estatz desiroient auoir leur aduis sur aucuns articles conclus en maniere d'edict perpetuel au nom du Roy, tendans a establir pacification entre les pays de pardeca & Don Iehan d'Austrice, lesquelz articles pareillement leur ont esté exhibez, ilz ont respondu & respondent ce que s'ensuit, cest asscauoir que en regard desdict articles ilz n'ont peu sinon grandemēt lou-er & approuuer le saint zele & lou-able desir & intention que mesdict Seigneurs les Estatz monstrent d'auoir a remectre vnefois noltre pource & affligée patrie a vng repos & tranquillité si long temps desirée, & se sont persuadez bien fermemēt que lesdict Seigneurs Estatz ne se soient en cela proposé a nul aultre but sinon de deliurer vnefois ce pource peuple affligé de tant de miseres & calamitez, desquelz ilz sont desia presque du tout accablez pour la cruelle & insupportable tyrannie de la superbe nation Espaignolle, & de la forme illegitime du gouuernement par eulx introduict, & quandt & quandt de donner a l'aduenir bon ordre & remede assure, pour ne tomber d'orel'auant en semblables inconueniens, par vne ferme inuiolable manutention des preuileges, droicts & libertez anciennes du pays, & singulierement que leur intentiō ait este par lesdits articles maintenir en tout & par tout la derniere pacification faicte & conclue en la Ville de Gand le viij du Mois de Nouembre dernièrement passé, ainsi qu'en toutes leur lettres, actes & protestations ilz ont tousiours promis & assure, chose certes digne de lou-ange eternelle, mesme enuers toute la posterité, mais toutefois apres que lesdict Seigneurs Prince & Estats D'hollande & Zelande eussent bien particulieremēt & par le menu rapporté lesdicts articles de point en point, tant a la presente disposition des affaires, & a la necessité qui les contrainst de bien peser toutes circonstances, comme ausy au temps de nos ancestres, lesquelz n'ont iamais en semblables occurences obmis de requerir & obtenir priuileges nouveaulx & biē lou-ables de leur Princes, il leur estoit aduis que par iceulx articles n'estoit encore entierement ny du tout satisfait au zele & desir dessus mentionné desdictz Seigneurs Estatz, Car premierement il sembloit que lesdictz priuileges anciens du pays que eulx desirēt par toutes voyes establir, s'y trouuoient par voye indirecte fort interessez, tant en ce que la liberté de conuoquer les Estatz generaulx y estoit obliquement ostée a ceulx a qui de tout droit d'ancienneté elle appartient, cōme en ce que les Estatz du pays sont astrainctz

A ij a obli-

a obligatiōs & fermēs nouveaux & Inusitez, puyz mesme l'on y pou-uoit remarquer infraction manifeste diceulx en la detenſion inique du Conte de Bueren, qui tout le monde ſcait auoir eſté enleué cōtre tout droit raiſon & priuileges diceulx pais, ce qui ſembloit d'aultant plus a conſiderer que iceulx priuileges ſe trouuans enfraints ainſi du beau commencement & en vn acte qui deuoit expreſſement tendre au reſtaſſement & conſeruation d'iceulx, meſme au regard d'vne perſonne particuliere, & qui ne peult auoir meſſaict en choſe quelconque, donnoit biē peu d'occafion d'eſperer qu'ils ſeroient entretenus par cy apres enuers le peuple & villes en general, contre leſquels on ne faudra de trouuer matiere pour les charger de crimes de rebellion & de leſe Maiesté, Ioinct que par le ſaict ſuſdict, & contreuenu manifestement a ladiſte pacificatiō de Gand, combien que le preiudice que lon ſaict a Icelle & la totale annuchilatiō, a laquelle pouroit ſembler que iceulx articles tendent, appert plus euidentement en ce que l'approbatiō & aggreation d'icelle neſt aucunemēt ſimple ny cathegoricque, ainſi que la raiſon & limportance d'un tel ſaict requeroit, mais dependant entierement de certaines aſtrictions & relatiōs limitées & ſubiectes a vne infinité de cauillations & du tout ſemblables a celles qui du temps de Madame de Parme ont eſté cauſe d'vne horrible effuſion de ſang, contre leſquelles meſmes auoit eſté par les deputez deſdicts Seigneurs Prince & Eſtatz D'hollāde & Zelāde proteſté & obtenu acte publicque ſur l'agreatiō ſaictē par le cōſeil d'eſtat preſques en termes ſemblables, puyz auſſi, y trouuoient leſdicts Seigneurs Prince & Eſtatz D'hollande & Zelāde aucuns poinctz tellement preiudiciables ſelon leur Iugement a la reputatiō & honneur de la patrie, quil ſembloit qu'a iamais en eut peu demeurer engrauee vne taſche de deſhonneur a la memoire & au nom de noſtre poſterité, & ce que nous aurions non ſeulement reguerdonés & ſalariez ceulx qui nous ont traictez & oultraigés ſi indignemēt, mais auſſi que nous nous aurions mis en compoſition avec ceulx qui nous auons par edict publicq & par authorité du Roy & des Eſtatz declarés, & particulieremēt par vne Inſtruction ſaictē accuſer deuant les Eſtatz dudiſt ſainct Empire comme ſchelms, meſchans & rebelles, & qui ont ſaict lignes & conſpiratiōs avec les Eſpaignols meſme que plus eſt, qui nous auons ſouffert & a noſtre eſciant laiſſe emporter noz baguez, ioyaulx, argent, denrées, marchādiſes & brātſchats hors de noſtre patrie, ſans aucune cōtradiction. En oultre & ſembloit auſſi auſdict Seigneurs Prince & Eſtatz D'hollande & Zelāde, que le reſpect honneur & gratitude que debuons tant a la Sereniſſane Royne d'Angleterre comme a Moſieur le Duc Frere du Roy de France, leſquels nous ont a noſtre beſoing monſtré ſi bonne & entiere volonte & affection, de nous aſſiſter de leurs moyens, pour nous tirer hors de l'oppreſſion & ſeruitude en laquelle nous nous trouuiōs, ny eſtoit aſſes deu-emēt poſſé ny reſpecté,

puis

puis que la raison eut bien voulu que lon les y eut compris en termes plus
expres & honorables, & finalement ne trouuoient que par lesdict articles
fust pourueu daucune assurance aux habitans des pays D'hollande & Ze-
lande, ausquels au traite dernier de Breda, lon a fait offres beaucoup plus
aduantagieus & raisonnables d'assurance, & encor' dernièrement au trai-
te de la pacification faite a Gand eust esté fait le semblable, n'estoit que
leurs deputez declairans & de bouche & par escript qu'ils n'entendoiet en
sorte quelconque traicter avec aultres qu'avec les Estatz mesmes, vouloient
monstrer la bonne foy de laquelle ils procedoient en leur endroit, protestas
toutesfois que si lon eust esté d'intention de recepuoir D^o Iean, & quil eust
salu traicter avec luy de ceste façon, comme lon fait maintenant quil eus-
sent demandé aultres assurances, comme la rais^o & la disposition des affai-
res le requeroit, & toutesfois par ces articles non seulement il ne s'y fait
nulle mention d'assurance, mais non pas mesmes de restituer les particu-
liers en leur enthier, touchant les biens Estatz & gouuernemēt quil ont en
plusieurs lieux de pardeça, & pareillement en la franche Conté de Bour-
goigne, ce que toutesfois suyuant le pied de la pacification (laquelle pour
lors ne se faisant qu'avec les Estatz generaulx des pays de pardeça ne pou-
uoit specifier ce point expressement) sembleroit selō toute raison debuoir
auoir esté conditionné, & que plus est ilz ny pouuoient remarquer aulcu-
ne assurance mesme pour les aultres prouinces, & tout le poure peuple de
pardeça, considéré quil ny auoit nulle mention de demolitiō des Citadel-
les & Chasteaux, a location desquels sont sortis des maux infinis comme
a vng chascun est notoire, ny mesme aucune particularité ny explicatiō de
ceste oubliance, dont il y est faite mention, ce qui ne peult estre sinon sus-
pect audi^o peuple, lequel aiant esté ouuertement menassé, encore mesme
au dernier reces de huy, auoit certes bon besoing d'estre bien assuré pour
l'aduenir, lors que le pays estant desarmé Don Iean sera estably en autori-
té de Gouverneur, mesme quand ce ne seroit que pour le regard des exem-
ples du passé voire au contraire il semble que lon veuille saccommoder aux
Estatz en maniere de Gouverneurs qui soient a leur gré tāt seulemēt pour
ce coup, comme par cy apres lon estoit d'intention de leur retrancher tous
moiens de se tenir assurés contre la mauuaise volonté de ceulx qui lō pre-
tendoit & leur donner pour Gouverneurs, Bref il y auoit plusieurs sembla-
bles & aultres poincts, lesquels sembloiet ausdict Seigneurs Prince & Estatz
d'hollande & Zelande tresdigne d'estre bien poisez & remarqués, & pour-
tant estoient d'intention de les mettre particulieremēt par escript pour les
enuoyer a mesdicts Seigneurs les Estatz, & leur declarer quāt & quant qu'a
l'aduis desdits Seigneurs Prince & Estatz D'hollande & Zelande il estoit
maintenant temps de demander & poursuiure a l'exēple de noz ancestres
d'obtenir ampliation & extension des priuileges droicts & libertés qu'a-

B uons

uōs receu deulx mesme en vne telle conioincture & oportuniitē qui se presente pour ne tomber vne aultrefois par cy apres en semblables inconueniens, mais comme ils estoient empeschés a deduire les poinctz susdictz & aultres semblables, & les mettre par escript, pour la fin susdictz, voicy que lon leur apporte copie des lettres que mesdits Seigneurs les Estatz auoient escriptes audict Don Iean, par lesquelles ils ont veu que sans attēdre leur response, il leur a pleu conclure avec ledict Don Iean, & le requerir de signer les articles susdicts avec promesse de les faire publier & le recevoir dedans le pays, Dont certes lesdicts Seigneurs Prince & Estatz D'hollande & Zelande ont esté bien esbahis de veoir vng tel changement, consideré que la date desdictz lettres estoit presque du mesme temps (comme aussi elle leur furent deliurées apres vn biē petit interualle) que ledict Seigneur de V Villeral leur estoit venu trouuer, car oultre la contrarietē que trouuoient en ce faict, encore leur sembloit ceste acceleration d'un affaire de telle consequence, & de la quelle depend entierement le salut ou la ruine de tous les pays de par deca, estre assez precipitee, & toutesfois comme ilz estiment & croient fermement que cela ait esté faict pour tant plus tost veoir le pays deliuré des Espaignolz & aultres estrangiers oppresseurs de la patrie, ilz ne peuuent aultre chose sinon de souhaitter comme ilz souhaittēt de tout leur cœur & prier Dieu que l'issue en puisse estre telle comme vous bons patriots desirerent, de leur part, puis que maintenant il seroit superflu d'allguer raisons au contraire, ou debattre sur vne chose faicte, Ils promectent & asseurent mesdits Seigneurs les Estats, que par tous moiens ilz maintiendront la pacification faicte a Gand, comme aussi ilz esperent que telle est l'intention diceulx dictz Seigneurs, ce qu'ils les priēt en toutes occasions vouloir mōstrer par les effectz, ainsi que de leur costē ilz sont prests de faire, & toutesfois a fin que lon voie par effect qu'ils ne desirerent aultre chose que de procurer la retraicte desdicts Espaignolz & aultre estrangiers, & le reestablishement de la paix & tranquillitē ensemble des anciens priuileges, droictz & libertez du pays, ilz sont contētz d'approuuer & signer les articles susdictz, moienant & a condition que preallablement il plaist a mesdits Seigneurs les Estatz resoudre fermement & irreuocablement, & de ce leur en donner acte obligatoire en forme deu-e, signee d'eulx & des Gouverneurs des provinces Chieffs & Colonnels, qu'en cas qu'apres le terme prins & accordé audict Don Iehan pour la sortie des Espaignolz estat expiré, lequel comencera a estre comptē d'un certain iour de ce Mois present, qu'eulx mesmes luy denonceroient, lesdicts Espaignolz nesoient sortis reellement & de faict hors des pays de par deca, que alors pour vnefois euites ces delais & lōgeurs qui iusques a present nous ont esté si donmageables, lesdict Seigneurs Estatz rompront & retrācheront toute vltérieure communicatiō avec luy, & pour fuiuront ladicte retraicte par voye d'armes, sans Iamais plus entendre a aucun traictē ou
comunica-

comuncatio que ne puisse estre, & qu'aussy il leur plaife donner acte
& obligatiō semblable en forme de reuersal, que apres ladicte retraicte des
estrangers, eulx ny lesdicts Gouverneurs, Chefs & Coulonnels ne receu-
ront, aduou-eront ne recognoistrōt ledict Don Iean, ny aultre pour Gou-
verneur du pays, iusques a ce que preallablement il ait restably & entiere-
ment satisfait a tous les poincts qui sont aucunement repugnans & cō-
traires ausdicts priuileges, droicts & libertez du pays, ou aucunemēt au pre-
iudice de la pacification de Gand, en conformitē de laquelle tous & vn cha-
cun seront remis en la possession de leur biens, tant de Bourgoingne que
de pardeça ains que tous lesdicts priuileges & libertez soient confirmēs ra-
tifis & establis selon ce que lesdicts Seigneurs Estatz ont solemnellement
promis du temps de ladicte pacification de Gand Par leur lettres escripte a
leurs deputez en date du xxviij. d'octobre 1576.

Fait a Middelbourg le xix. Iour de Feburier 1577.

Fais a Middelbourg le xix. Jour de Feburier 1777.

